



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ՊԱՀՊԱՆՈՒԹՅԱՆ ԾԱՌԱՅՈՒԹՅԱՆ ՊԵՏ**

Հեռ./Ֆաքս՝ 010-53-09-86

Երևան-19, Պոռոշյան փող., 1-ին փակուղի 20

« 18 » 06 2024թ.

№ 19/939

**«ՍԵՅՖ ՎԻՇՆ» ՍՊԸ
ՏՆՕՐԵՆ ԱՐՄԵՆ ՅԱՎՐՈՒՄՅԱՆԻՆ**
(ՀՀ Երևան, Կենտրոն, Վարդանանց փ, 18/2)

Ծանուցում

Պայմանագիրը միակողմանի լուծելու մասին

Հարգելի պարոն Յավրումյան

ՀՀ պետական պահպանության ծառայության (այսուհետ՝ Ծառայություն) 2024թ. կարիքների համար թվով 100 հատ սպայական վկայականների կաշվե պատյանների մատակարարման նպատակով՝ Ծառայության և «ՍԵՅՖ ՎԻՇՆ» ՍՊԸ-ի (այսուհետ՝ Ընկերություն) միջև 12.03.2024թ. կնքվել է ՊՊԾ-ԷԱՃԱՊՁԲ-2024/8-1 պայմանագիրը (այսուհետ՝ Պայմանագիր)՝ 286080 (երկու հարյուր ութսունվեց հազար ութսուն) ՀՀ դրամ ընդհանուր արժեքով:

Համաձայն Պայմանագրի մատակարարման ժամկետ է սահմանվել Պայմանագրի ուժի մեջ մտնելու օրվանից 20 օրացուցային օրվա ընթացքում:

Սահմանված ժամկետներում Ընկերության կողմից ներկայացված նմուշները չեն համապատասխանել տեխնիկական բնութագրին, մասնավորապես՝ կաշին եղել է թեք կտրտված, իսկ կարերը՝ ոչ որակյալ և ոչ պատշաճ տեսքի, ինչի պատճառով 3-4 անգամ պատյանների նմուշները չեն ընդունվել:

Պայմանագրով նախատեսված ժամկետներում Ընկերությունը սահմանված կարգով չի ներկայացրել դիմում՝ մատակարարման ժամկետները օրենքով սահմանված կարգով երկարաձգելու խնդրանքով, սակայն Ծառայությունը ընդառաջել է և տվել է լրացուցիչ ողջամիտ ժամկետ մատակարարումը պատշաճ իրականացնելու համար:

Մինչև հունիսի 7-ը պատշաճ մատակարարումը չստանալու պատճառով, Ծառայությունը տեղեկացրել է Ընկերությանը և տվել է լրացուցիչ 5 օրացուցային օր ժամկետ՝ ապրանքը մատակարարելու համար, սակայն չի ստացել բնութագրին համապատասխանող ապրանք, ինչի արդյունքում նպատակահարմար չի գտել հավելյալ ժամկետի տրամադրումը:

Պայմանագրի 2.1.7 կետի «բ» ենթակետի համաձայն՝ Գնորդն իրավունք ունի միակողմանի լուծել պայմանագիրը, եթե Վաճառողն էականորեն խախտել է պայմանագիրը: Վաճառողի կողմից խախտումն էական է համարվում, եթե 10 օրից ավելի խախտվել է ապրանքների մատակարարման ժամկետը:

ՀՀ քաղաքացիական օրենսգրքի (այսուհետ՝ Օրենսգրք) 408-րդ հոդվածի համաձայն՝ պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը:

Օրենսգրքի 466-րդ հոդվածի 3-րդ մասի համաձայն՝ պայմանագիրը լրիվ կամ մասնակի կատարելուց միակողմանի հրաժարվելու դեպքում, երբ պայմանագրից հրաժարվելը թույլատրվում է օրենքով կամ կողմերի համաձայնությամբ, պայմանագիրը համապատասխանաբար համարվում է լուծված կամ փոփոխված:

Հաշվի առնելով այն հանգամանքը, որ Ընկերությունը խախտել է պայմանագրով ստանձնած պարտավորությունները Ծառայությունը՝ ղեկավարվելով վերը նշված իրավական հիմքերով, միակողմանի հրաժարվում է կնքված պայմանագրից՝ համարելով այն լուծված՝ պատշաճ ծանուցումն ապահովելու նպատակով կիրառելով ՀՀ կառավարության 2017 թվականի մայիսի 4-ի N526-Ն որոշմամբ հաստատված «Գնումների գործընթացի կազմակերպման» Կարգի 33-րդ կետի 17-րդ ենթակետով սահմանված դրույթները:

Ընկերության կողմից, որպես պայմանագրային պարտավորությունների պատշաճ կատարման ապահովում ներկայացված որակավորման և պայմանագրի ապահովումները սահմանված կարգով կներկայացվեն Ընկերությանը սպասարկող բանկ՝ ապահովումների գումարների գանձման նպատակով:

Հայտնում եմ, որ Ընկերությունը պարտավոր է սույն ծանուցումը ստանալուց հետո 5 (հինգ) բանկային օրվա ընթացքում ՀՀ ֆինանսների նախարարության կողմից բացված գանձապետական 900005028106 հաշվեհամարին փոխանցել 7295 (յոթ հազար երկու

հարյուր իննսունհինգ) ՀՀ դրամ՝ որը հաշվարկված է մինչև 17.06.2024թ. (ապրանքի մատակարարման ուշացում 51 աշխատանքային օր):

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու դեպքում, պատվիրատուի ղեկավարի պատճառաբանված որոշման հիման վրա լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում: Ընդ որում սույն կետում նշված որոշումը պատվիրատուի ղեկավարը կայացնում է գնման ընթացակարգը չկայացած հայտարարվելու կամ կնքված պայմանագրի վերաբերյալ հայտարարությունը հրապարակելու կամ պայմանագիրը միակողմանի լուծելու մասին հայտարարությունը (ծանուցումը) հրապարակելու օրվան հաջորդող տասներորդ օրը: Որոշումը կայացվելուն հաջորդող օրը այն գրավոր տրամադրվում է լիազորված մարմնին և մասնակցին: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում որոշումն ստանալուն հաջորդող քառասուներորդ օրվան հաջորդող հինգերորդ օրը, իսկ որոշումն ստանալուն հաջորդող քառասուներորդ օրվա դրությամբ մասնակցի կողմից որոշման բողոքարկման վերաբերյալ հարուցված և չավարտված դատական գործի առկայության դեպքում՝ տվյալ դատական գործով եզրափակիչ դատական ակտն ուժի մեջ մտնելու օրվան հաջորդող հինգերորդ օրը, եթե դատական քննության արդյունքով որոշման կատարման հնարավորությունը չի վերացել:

Ընդ որում, եթե՝

-սույն կետով նախատեսված՝ լիազորված մարմնին որոշումը ներկայացվելու վերջնաժամկետը լրանալու օրվա դրությամբ մասնակիցը կամ պայմանագիրը կնքած անձը վճարել է հայտի, պայմանագրի և (կամ) որակավորան ապահովման գումարը, ապա պատվիրատուն տվյալ մասնակցին ցուցակում ներառելու պատճառաբանված որոշումը չի ներկայացնում լիազորված մարմին:

-մասնակցի կամ պայմանագիրը կնքած անձի կողմից հայտի, պայմանագրի և (կամ) որակավորան ապահովման գումարի վճարումն իրականացվել է լիազորված մարմնին որոշումը ներկայացվելու վերջնաժամկետը լրանալուց հետո, բայց ոչ ուշ, քան լիազորված մարմնի կողմից մասնակցին ցուցակում ներառելու համար սահմանված քառասունօրյա ժամկետը լրանալը, իսկ որոշումն ստանալուն հաջորդող քառասուներորդ օրվա դրությամբ մասնակցի կողմից որոշման բողոքարկման վերաբերյալ հարուցված և չավարտված դատական գործի առկայության դեպքում՝ ոչ ուշ, քան տվյալ դատական

գործով եզրափակիչ դատական ակտն ուժի մեջ մտնելը, ապա պատվիրատուն դրա մասին գրավոր տեղեկացնում է լիազորված մարմին, որի հիման վրա մասնակիցը չի ներառվում ցուցակում:

Հարգանքով՝

**ՀՀ ՊԵՏԱԿԱՆ ՊԱՀՊԱՆՈՒԹՅԱՆ
ԾԱՌԱՅՈՒԹՅԱՆ ՊԵՏ՝**



ԱՐԹՈՒՐ ԳԱՍՊԱՐՅԱՆ